

III. OUTRAS DISPOSICIÓNS**VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E TURISMO**

EXTRACTO da Orde do 23 de marzo de 2022 pola que se aproban as bases reguladoras da concesión de subvencións, en réxime de concorrència competitiva, para a execución de proxectos de cooperación para o desenvolvemento no exterior promovidos polos axentes de cooperación, e se procede á súa convocatoria para o ano 2022 (código de procedemento PR803D).

BDNS (Identif.): 618699.

De conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, publícase o extracto da convocatoria cuxo texto completo pode consultarse na Base de datos nacional de subvencións (BDNS) (<http://www.pap.minhap.gob.es/bdnstrans/index>):

Primeiro. *Entidades beneficiarias*

As entidades beneficiarias da concesión de subvencións serán as entidades recoñecidas como axentes de cooperación para o desenvolvemento pola Lei 10/2021, do 9 de marzo, reguladora da acción exterior e da cooperación para o desenvolvemento de Galicia, ben individualmente o mediante unha agrupación de entidades (código de procedemento PR803D):

- Organizacións non gobernamentais para o desenvolvemento.
- As universidades do Sistema universitario galego e as súas entidades dependentes e centros de investigación públicos.
- As cooperativas, empresas e asociacións empresariais.
- As organizacións sindicais.
- Comunidades galegas no exterior.
- Outros axentes sociais ou entidades que teñan entre os seus fins a realización de actividades de cooperación para o desenvolvemento.

CVE-DOG: weeksuh7-ije4-dke6-az62-tx9secqpo2w8



Non se considerará agrupación de entidades aquelas que estean formadas por unha asociación ou federación a que pertenza a devandita entidade, ou aquelas en que os órganos de goberno sexan coincidentes, total ou parcialmente, en todas as entidades agrupadas. Así mesmo, non terá a condición de entidade agrupada aquela que non participe economicamente na xestión do proxecto, ben con cargo á subvención ou ben con achegas propias.

Segundo. *Obxecto*

Estas bases regulan a concesión de subvencións, en réxime de concorrència competitiva, para a execución de proxectos de cooperación para o desenvolvemento no exterior promovidos polos axentes de cooperación (código de procedemento PR803D).

Exclúense destas bases os proxectos que teñan como obxecto a acción humanitaria e os de carácter asistencial que non poidan asegurar a súa viabilidade cando cese o financiamento externo.

Terceiro. *Bases reguladoras*

Orde do 23 de marzo de 2022 pola que se aproban as bases reguladoras da concesión de subvencións, en réxime de concorrència competitiva, para a execución de proxectos de cooperación para o desenvolvemento no exterior promovidos polos axentes de cooperación, e se procede á súa convocatoria para o ano 2022 (código de procedemento PR803D).

Cuarto. *Importe*

Para a concesión destas axudas destínase un crédito total de 5.400.000,00 euros, de acordo coa seguinte distribución:

Proxectos no exterior de ONGD polo importe total de 4.700.000 euros, conforme a seguinte distribución con cargo á aplicación orzamentaria 05.26.331A.490.0 (1.880.000,00 euros no ano 2022 e 2.820.000,00 euros no ano 2023).

Proxectos no exterior dos outros axentes polo importe total de 700.000,00 euros conforme a seguinte distribución con cargo á aplicación orzamentaria 05.26.331A.490.0 (280.000,00 euros no ano 2022 e 420.000,00 euros no ano 2023).

O importe máximo que se poderá financiar será dun 95 % do orzamento total do proxecto. En ningún caso superará a subvención concedida os 175.000,00 euros para proxectos



plurianuais. Para proxectos que se executen só durante o ano 2022, a subvención máxima concedida será de 60.000,00 euros.

Nos proxectos presentados por varias entidades en agrupación, a subvención concedida non superará o límite dos 225.000,00 euros. Para proxectos en agrupación que se executen só durante o ano 2022 a subvención máxima concedida será de 100.000,00 euros.

A subvención concedida aos proxectos plurianuais distribuirase do seguinte xeito: o 40 % no ano 2022 e o 60 % no 2023.

Quinto. Prazo de presentación de solicitudes

O prazo de presentación de solicitudes será dun mes contado a partir do día seguinte ao da publicación desta convocatoria no *Diario Oficial de Galicia*.

Santiago de Compostela, 23 de marzo de 2022

Beatriz Cuiña Barja
Secretaria xeral técnica da Consellería de Presidencia,
Xustiza e Turismo

CVE-DOG: weeksuh7-ije4-dke6-az62-tx9secqpo2w8

